

ACTA DA XUNTA DE GOBERNO LOCAL
Sesión do 5 de abril de 2004

SEÑORES/AS ASISTENTES:

D^a. Corina Porro Martínez
D. José Manuel Figueroa Vila
D^a. Lucia Molares Pérez
D. José Manuel Iglesias Carrera
D. Antonio Coello Bufill
D. Ignacio López-Chaves Castro.
D. Javier Jorge Guerra Fernández
D^a. Soledad Polo Lima
D. José Manuel Couto Pérez
D. Carlos Comesaña Abalde

Na Casa do Concello de Vigo, ás nove horas do día cinco de abril de dous mil catro e baixo a presidencia da Ilma. Sra. Alcaldesa, D^a. Corina Porro Martínez, coa asistencia dos concelleiros/as anteriormente citados e do titular do órgano de apoio á Xunta de Goberno Local, Manuel Xosé Lorenzo Penela, actuando como Secretaria a concelleira, Sra. Molares Pérez, constitúese a Xunta de Goberno Local desta Corporación co obxecto de realizar sesión ORDINARIA de acordo coa orde do día remitida a tódolos membros coa antelación legal precisa. Esta presente a interventora Da. Berta Guarner González.

A Xunta de Goberno Local adopta os seguintes acordos:

1(393).- ACTA ANTERIOR. Apróbase, por unanimidade, a acta da sesión 22 de marzo de 2004. Deberá incorporarse ó libro de actas da Xunta de Goberno autorizada coa miña sinatura e maila da Sra. alcaldesa-presidenta.

2(394).- PROXECTO DE CONVENIO DE COLABORACIÓN CON CÁRITAS DIOCESANA DE TUI-VIGO PARA DESENVOLVER PROXECTOS DE INTERVENCIÓN CO POBO XITANO E CIGANO QUE RESIDE NA CIDADE. EXPTE. 10745/301/04.

Examinadas as actuacións do expediente e de acordo co informe-proposta da xefa de Sección de Planificación de Servizos Sociais, do 5.03.04, conformado polo xefe do Sector, a interventora xeral e co conforme xurídico de técnico de Admón. Xeral, a Xunta de Goberno acorda:

1º.- Aprobar el texto del convenio de colaboración a suscribir con Cáritas Diocesana de Tuy-Vigo (CIF Q-3600368I), para “Execución de proxectos de intervención social integral para a atención-prevenición da marxinação e inserción do pobo xitano e cigano que reside na cidade”, y su Memoria, con una vixencia ata o 31.12.04.

2º.- Aprobar el gasto correspondiente de la aportación municipal por un importe de 87.674.83 Euros con cargo a la Partida 3130-2260800.

3.- Facultar a o Concelleiro-Delegado da Area de Asuntos Sociais D. Ignacio Lopez-Chaves Castro para a sinatura do convenio.

CONVENIO DE COLABORACIÓN ENTRE O CONCELLO DE VIGO, E CÁRITAS DIOCESANA TUI-VIGO PARA INTERVENCIÓN SOCIAL INTEGRAL PARA A ATENCIÓN, PREVENCIÓN DA MARXINACIÓN E INSERCIÓN DO POBO XITANO E A MINORIA CIGANA.

Vigo, de de 2004.

Reunidos

Dunha parte,

Don, Ignacio López -Chavez Castro Concelleiro-Delegado de Area de Asuntos Sociais por Decreto da Alcadia de data 2 de xaneiro de 2004, facultado por acordo expreso da Xunta de Goberno Locade data

Doutra parte,

Don Jaime Barrecheguren Beltrán como Director de Cáritas Diocesanas, representante legal desta organización en Vigo con enderezo, a efectos de notificacións, na rúa García Barbón nº 104, e C.I.F: Q-3600368I.

Ámbalas dúas partes, recoñécense mutuamente con capacidade e competencia para formaliza-lo presente convenio e

M A N I F E S T A N

- 1. - Que a Lei de 7/1985 Reguladora de Base de Réxime Local establece no seu artigo 25, a posibilidade de que tódolos Concellos exerzan a "prestación de Servicios Sociais e de Promoción e Inserción Social" sendo competencia de obrigado exercicio para os concellos de máis de 20.000 habitantes.*
- 2. - Que a Lei 4/1993, 14 de abril, de servicios sociais, establece como áreas de actuacións, dentro dos servicios sociais de atención primaria de competencia municipal, entre outras as das minorías étnicas, sinalando entre o seus obxectivo a realización de programas de inserción social de grupos con problemáticas de marxinação e de exclusión social.*

3. -Que Cáritas Diocesanas ten entre os seus obxectivos a atención e promoción de persoas necesitadas desde o principio da autodeterminación e a promoción, facilitándolle os medios necesarios para seu total desenvolvemento.
4. - Igualmente a Administración Pública pode acordar convenios de cooperación con entidades sen ánimo de lucro para unha xestión común de actividades, concretas segundo determina o artigo 87 da citada Lei 7/1985, e recoñece o artigo 3 da Lei 4/93, de 14 de abril , de servicios sociais que apoia a indicativa social.
- 5.- Que o convenio a suscribir con Cáritas Diocesana queda fora do ámbito do Decreto 2/2.000, de 16 de xuño, da Lei de Contratos das Administracións Públicas, por figurar expresamente excluído no artigo 3 da citada Lei.

Segundo exposto, as partes acordan asinar un convenio de colaboración de conformidade coas seguintes

C L A Ú S U L A S

Primeira.-

O obxecto do presente Convenio entre o Concello de Vigo e Cáritas Diocesanas Tui-Vigo é a cooperación entre ámbalas parte para unha intervención social integral para a atención, prevención da marxinação e inserción do pobo xitano e a minoría cigana no termo municipal mediante a execución de proxectos e actividades que se describen nos anexos a este convenio. Ditos anexos reflicten as actividades e tarefas que se levaran a cabo no transcurso do ano 2004.

Segunda.-

Cáritas Diocesanas de Tui-Vigo, comprométese a executa-los proxectos ou actividades obxecto deste convenio coas características que se determinan en cada un deles e cos medios que sereseña, estando obrigada ao cumprimento das disposicións vixente en materia laborais e de seguridades social así como a correspondente cobertura da responsabilidade civil .

En ningún caso a relación que se establece cos/coas profesionais que executan os proxectos, supón relación laboral algunha co Excmo. Concello de Vigo.

Terceira.-

Para o desenvolvemento dos proxecto obxecto do convenio Cáritas Diocesana de Tui-Vigo, porá a disposición do mesmo o seguinte persoal:

Proxecto de minorías xitana:
Un/a Traballador/a Social
Un/a Pedagogo/a
Un/a Educador/a Social
Proxecto de minoría cigana
Un/a Traballadora Social

Cuarta.-

O presente convenio será vixente dende o momento da súa sinatura. ata o 31 de decembro do ano 2004.

Quinta.-

A dotación económica para a execución dos proxectos obxecto do presente convenio: "Intervencións social xeral coa minoría xitana da cidade" e "Atención social a Ciganos" será aportada polo Concello de Vigo, que se reserva a facultade de solicitar para esto as axudas oportunas.

Sinálase como contraprestación económica para o ano 2004 a cantidade de ochenta e sete mil seiscientos setenta e catro Euros (87.674,00)

O pago deste convenio farase como sigue :

O 50% do importe total anual a signatura do convenio (43.887.- euros)

O 25% restante no mes de marzo 2004- (21.943.- euros).

O 25% (21.844,00) ó final da ano, sempre que se teña xustificado o total do gasto, e previa presentación, pola unidade administrativa de xestión, da certificación do cumprimento do convenio.

Caritas Diocesanas presentara mensualmente as facturas orixinais derivadas da execución dos proxectos que deberán acompañalo informe da actividade realizada polos membros do equipo ó longo do mes en cada un dos programas obxecto de convenio, facturas y actividad que deberá conformar el funcionario/a encargado de la supervisión de los proyectos del Departamento de Bienestar Social.

Sexta.-

Como mecanismo de coordinación para facer efectiva unha colaboración-supervisión crearanse dúas comisións: unha técnica e outra xeral de seguimento.

Sétima.-

A Comisión Técnica tratará os temas cotiás de seguimento da actividade e estará composta por un profesional de Cáritas (corodinador/a) e un membro designado pola entidade (esta designación tera carácter anual) e o funcionario ou funcionaria municipal do departamento de Benestar Social que o supervise. Esta comisión reunirse con carácter mensual.

Oitava.-

A Comisión de Seguimento, baixo a presidencia do titular da Concellería de Asuntos Sociais estará formada pola parte do Concello polos profesionais da Comisión Técnica e por parte de Cáritas polo presidente ou persoa na que delegue e dous representantes da entidade.

Esta comisión reunirse con carácter trimestral facendo acta de cada unha das reunións que se achegarán ós informes de seguimento do convenio. Nela se resolveran a de controversia e todos aqueles asuntos que sobre a aplicación do convenio considere convenientes.

Novena.-

Sei como consecuencia do convenio que poida subscribi-lo Concello coa Xunta de Galicia acordarase a supervisión desta sobre os proxectos e actividades comprometidas neste acordo, as comisións descritas na cláusula sexta someterase ás condicións que sinala a Xunta de Galicia.

En todo caso, os asinantes comprométense a remitir á Consellería sinalada os informes que reclamen os órganos competentes desta, así como calquera outro documento necesario para unha xustificación de gasto, facilitando a actuación dos técnicos da Dirección Xeral de Familia no referente ó seguimento das actividades.

Décima.-

O Concello de Vigo e Cáritas Diocesana de Tui – Vigo, conxuntamente, resérvanse exclusivamente a formulación de todo tipo de publicidade ou información nos medios de comunicación social das actividades obxecto deste convenio.

Undécima.-

Ambas institucións designarán ás persoas encargadas de realiza-lo seguimento e quén integra tanto a comisión técnica coma a xeral de seguimento así como a supervisión da realización dos proxectos e actividades.

Duodécima.-

Cáritas Diocesanas de Tui – Vigo comprométese a que ó finaliza-lo presente convenio, (no mes Decembro) remitirá unha memoria das actividades realizadas así como unha ficha global-cadro de datos estatísticos xerados polo traballo.

En prueba de conformidade suscriben el presente convenio en la fecha indicada,

3(395).- PRESTACIÓN DO SERVICIO DE AXUDA NO FOGAR: ALTA EXPTE. 12/30465.

Examinadas as actuacións do expediente, visto o informe da traballadora social do 22.03.04 e de acordo co informe-proposta do xefe do Sector de Acción Social, do 22.03.04, conformado polo concelleiro delegado do Área de Asuntos Sociais, a Xunta de Goberno, acorda:

Concede-la prestación do Servicio de Axuda no Fogar a D^a M^a Angeles Silva Durán. Expte. 12/30465.

4(396).- ADXUDICACIÓN DE NICHOS E CINCEIROS NOS CEMITERIOS DE TEIS, CABRAL E BEMBRIVE. EXPTE. 5869/255.

Examinadas as actuacións do expediente e de acordo co informe-proposta da xefa de Negociado de Cemiterios, do 24.03.04, conformado polo xefe do Sector de Acción Social e polo concelleiro-delegado de Área de Asuntos Sociais, a Xunta de Goberno acorda:

1º.- Adxudicarlle ás persoas que se relacionan, os nichos e cinceiros que para cada un se expresan, segundo emprazamento e número, nos cemiterios municipais que de seguido se sinalarán:

NICHOS NO CEMITERIO DE TEIS

<u>NOME DO ADXUDICATARIO</u>	<u>Nº BOCAS</u>	<u>BLOQUE</u>	<u>SOLAR</u>
Pedro Familiar García	13 e 61	16	4 e 16
Miguel Lago Rodríguez	75 e 76	15	19
José Lago Rodríguez	95 e 96	I Dereita	24

NICHOS NO CEMITERIO DE CABRAL

<u>NOME DO ADXUDICATARIO</u>	<u>Nº BOCAS</u>	<u>BLOQUE</u>	<u>SOLAR</u>
María Fernández Diéguez	2	K	1

CINCEIROS NO CEMITERIO DE BEMBRIVE

<u>NOME DO ADXUDICATARIO</u>	<u>Nº BOCAS</u>	<u>BLOQUE</u>	<u>SOLAR</u>
José Benjamín Acuña Alonso	17	F	5
María Dolores Tirados Prieto	21	F	6
Dolores Iglesias Díaz	25	F	7

2º.- As adxudicacións outórganse por un prazo de cincuenta anos a contar dende a data da liquidación do nicho ou cinceiro adxudicado.

3º.- De conformidade co previsto no art. 7º da Ordenanza en vigor, os acordos de adxudicación estarán condicionados o pagamento das cantidades sinaladas no apartado A.2 do art. 5º da Ordenanza. En todo caso, quedará sen efecto a adxudicación, sen necesidade de notificación expresa, cando se producira o impago da totalidade ou dalgunha fracción, no prazo dun mes contado dende a finalización do prazo para pagamento que se fixa na notificación correspondente.

5(397).- DAR CONTA DOS EXPEDIENTES DE GASTO MENOR TRAMITADOS POLO DEPARTAMENTO DE CULTURA DURANTE O MES DE MARZO DE 2004. EXPTE. 8234/331.

En cumprimento da base 31ª das Bases de Execución do Presuposto do Concello de Vigo, o concelleiro delegado da Área de Asuntos Sociais dá conta á Xunta de Goberno Local dos expedientes de gasto menor tramitados durante o mes de marzo de 2004 e que son os seguintes:

DEPARTAMENTO: CULTURA FUNCIONAL: 4510

CONCEPTO.- Reserva de crédito para servicios de transportes lixeiros de mercancías.					
<i>Nº exped.</i>	<i>Data res.</i>	<i>Partida</i>	<i>Rc</i>	<i>Importe</i>	<i>Perceptor</i>
8186/331	12/02/04	2230000	11044	2.000,00 euros	<i>Aquilino Molina Valín (N.I.F.: 35.985.317-T)</i>

CONCEPTO.- Adquisición de placa para homenaxe a Francisco Rey Rivero.					
<i>Nº exped.</i>	<i>Data res.</i>	<i>Partida</i>	<i>Rc</i>	<i>Importe</i>	<i>Perceptor</i>
8192/331	19/02/04	2210901	10107	870,00 euros	<i>Raúl Álvarez Fernández (N.I.F.: 36.085.949-F)</i>

CONCEPTO.- Subministro de invitacións para a exposición “A arte nas túas mans” e díptico de actividades dun recital poético na Casa Galega da Cultura.					
<i>Nº exped.</i>	<i>Data res.</i>	<i>Partida</i>	<i>Rc</i>	<i>Importe</i>	<i>Perceptor</i>
8205/331	27/02/04	2260200	11336	127,60 euros	<i>Gráficas Numen S.L. (C.I.F.: B-36.694.339)</i>
				112,28 euros	<i>Palacios Publicidad (C.I.F.: B-36.663.052)</i>

CONCEPTO.- Servicio de mantemento das exposicións e actividades do Verbum.					
<i>Nº exped.</i>	<i>Data res.</i>	<i>Partida</i>	<i>Rc</i>	<i>Importe</i>	<i>Perceptor</i>
8212/331	05/03/04	2270601	11864	11.964,60 euros	<i>Servicios Securitas S.A. (C.I.F.: A-28.986.800)</i>

CONCEPTO.- Redacción de catro guías de actividades sobre módulos do Verbum-Casa das Palabras.					
<i>Nº exped.</i>	<i>Data res.</i>	<i>Partida</i>	<i>Rc</i>	<i>Importe</i>	<i>Perceptor</i>
8219/331	09/03/04	2270601	12394	4.600,00 euros	<i>Van Divulgación Cultural S.L. (C.I.F.: B-36.917.201)</i>
			12395	4.600,00 euros	<i>Phiccions, Sociedade Cooperativa Galega (C.I.F.: F-36.930.477)</i>

CONCEPTO.- Reparacións da sala para exposición “A arte nas túas mans”.					
<i>Nº exped.</i>	<i>Data res.</i>	<i>Partida</i>	<i>Rc</i>	<i>Importe</i>	<i>Perceptor</i>
8220/331	09/03/04	2260801	12497	2.040,33 euros	<i>Ubiagandral S.L. (C.I.F.: B-36.916.492)</i>

CONCEPTO.- Mantemento ordenadores e equipamento informático do Verbum-Casa das Palabras.					
<i>Nº exped.</i>	<i>Data res.</i>	<i>Partida</i>	<i>Rc</i>	<i>Importe</i>	<i>Perceptor</i>
8221/331	09/03/04	2160000	12275	11.700,00 euros	Soluciones Informáticas La Guía S.L. (C.I.F.: B- 36.916.666)

CONCEPTO.- Autorización de gasto para subministro de combustible no Verbum-Casa das Palabras.					
<i>Nº exped.</i>	<i>Data res.</i>	<i>Partida</i>	<i>Rc</i>	<i>Importe</i>	<i>Perceptor</i>
8223/331	11/03/04	2210300	14037	7.088,76 euros	Cepsa Comercial Galicia S.A. (C.I.F.: A-36.154.789)

A Xunta de Goberno queda enterada.

6(398).- SOLICITUDE DO APA E O CLAUSTRO DO CEIP MOSTEIRO-BEMBRIVE DE AUTORIZACIÓN PARA CELEBRAR O XXV CROSS ESCOLAR MOSTEIRO-BEMBRIVE O 18.04.04. EXPTE. 4377/333. ESTIMADA.

Examinadas as actuacións do expediente e de acordo co informe-proposta do director deportivo do IMD, do 24.03.04, conformado pola concelleira de dito servicio, a Xunta de Goberno acorda:

Autorizar ó APA e o Claustro do CEIP Mosteiro-Bembrive a celebrar o XXV Cross Escolar Mosteiro-Bembrive, o vindeiro día 18 de abril de 2004 na zona do colexio e arredores entre ás 10:00 e ás 14 h..

7(399).- SOLICITUDE DO CLUB CICLISTA RÍA DE VIGO DE AUTORIZACIÓN PARA CELEBRAR O “TROFEO DEPUTACIÓN DE PONTEVEDRA” O DÍA 18.04.04. EXPTE. 4378/333. ESTIMADA.

Examinadas as actuacións do expediente, vista a solicitude do Club Ciclista Ría de Vigo e de acordo co informe-proposta do director deportivo do IMD, do 23.03.04, conformado pola concelleira de dito servicio, a Xunta de Goberno acorda:

Autorizar o Club Ciclista Ría de Vigo a celebrar o vindeiro día 18 de abril de 2004 a proba ciclista denominada “Trofeo Deputación de Pontevedra, polas estradas correspondentes o termo municipal de Vigo, con saída diante do edificio da Entidade Local Menor de Bembrive as 10:30 h. e chegada o mesmo punto o remate da carreira.

8(400).- SOLICITUDE DO APA LAMEIRA DO CEIP JOSEFA ALONSO DE MATAMÁ DE AUTORIZACIÓN PARA CELEBRAR O CROSS ESCOLAR MATAMÁ O DÍA 25.04.04. EXPTE.4379/333. ESTIMADA.

Examinadas as actuacións do expediente, vista a solicitude do Apa Lameira do CEIP Josefa Alonso de Matamá e de acordo co informe-proposta do director deportivo do IMD, do 26.03.04, conformado pola concelleira de dito servizo, a Xunta de Goberno acorda:

Autorizar a APA Lameira do CEIP Josefa Alonso de Matamá a celebrar o vindeiro día 25 de abril de 2004 o Cross Escolar Matamá que se desenvolverá no colexio CEIP Matamá e nas rúas Manuel de Cominges e a estrada do Pazo, entre ás 10:00 e ás 13:30 h.

9(401).- XUSTIFICANTES DE LIBRAMENTOS.

Examinados os xustificantes de libramentos remitidos por Intervención Xeral a Xunta de Goberno acorda aproba-las seguintes relacións dos mesmos:

NOME	O.PAGO	IMPORTE	XUSTIFIC.	REINTEG.	S/FAV.
DOMINGUEZ LOPEZ GUILLERMO	0405259	442,40.-	442,40.-		
“	0405260	204,00.-	204,00.-		
ESPADA RE CAREY LUIS	0408737	1.160,00.-	835,20.-	324,80.-	
“	0403276	12.000,00.-	12.000,00.-		
PORRO MARTINEZ CORINA	0412972	1.200,00.-		1.200,00.-	
“	0412973	863,68.-		863,68.-	
RODRIGUEZ SOTELINO ROSA MARIA	0403295	400,00.-	400,00.-		
ROSARIO SAMUEL FRANCISCO	0343302	191,81.-	191,81.-		
SANCHEZ BARREIRO CARMEN	0412974	663,68.-		663,68.-	
“	0412975	109,98.-		109,98.-	
SOTO VEGA MODESTO	0402205	78,70.-	78,70.-		
TOTAL			14.152,11.-		

NOME	O.PAGO	IMPORTE	XUSTIFIC.	REINTEG.	S/FAV.
ALONSO FERRAGUD SANTIAGO	0408339	2.000,00.-	1.501,42.-	498,58.-	
FERNANDEZ BESADA DOLORES	0409389	150,00.-	150,00.-		
“	0409390	78,00.-	34,00.-	44,00.-	
“	0409391	154,46.-	85,96.-	68,50.-	
LOPEZ MOURE JESUS	0409017	18.750,00.-	15.750,00.-	3.000,00.-	
“	0406577	75.490,00.-	75.490,00.-		
OJEA PEREZ IGNACIO	0410186	13.931,18.-	13.931,18.-		
RAMOS COVELO ALFONSO	0406428	60,00.-	60,00.-		
“	0406427	191,12.-	168,56.-	22,56.-	
“	0406426	300,00.-	252,27.-	47,73.-	
ROCHA PARAMES CESAREO	0403658	300,00.-	292,84.-	7,16.-	

RODRIGUEZ CADARSO LUIS	0406158	385,79.-		385,79.-	
“	0406157	323,34.-		323,34.-	
“	0406156	240,00.-		240,00.-	
TOTAL				107.716,23.-	

10(402).- GASTOS DE LOCOMOCIÓN DO PERSOAL MUNICIPAL PARA INCLUIR NA NÓMINA DO MES DE ABRIL.

Examinadas as actuacións do expediente e de acordo co informe-proposta da interventora xeral, do 26.03.04, a Xunta de Goberno acorda:

Aproba-los gastos de locomoción do persoal municipal que de seguido se detallan para a súa inclusión na nómina do mes de abril:

SERVICIO	CLASIFICACION FUNCIONAL	IMPORTE
1212	Parque Mobil	226,78
1216	Patrimonio e contratación	98,60
2220	Seguridade	587,42
3130	Benestar Social	22,27
4220	Educación	386,75
4324	Electromecánicos	206,21
4326	Parque e Xardins	71,40
4420	Limpeza	1.579,98
4430	Cemiterios	130,73
4513	Museo Quiñones de León	129,14
4531	Patrimonio Histórico	360,61
5110	Vías e Obras	1.999,88
TOTAL		5.799,77

11(403).- SOLICITUDE DA COMISIÓN DE FESTAS DE SAN CAMPIO DE AUTORIZACIÓN PARA A CELEBRACIÓN DA FESTA DE SAN CAMPIO OS DÍAS DO 27 Ó 31 DE AGOSTO DE 2004. EXPTE. 69438/210. ESTIMADA.

Examinadas as actuacións do expediente e de acordo co informe do asesor xurídico do Servizo de Mobilidade e Seguridade, do 18.03.04, a Xunta de Goberno acorda:

AUTORIZAR á Comisión de Festas de San Campio, á ocupación do espazo público solicitado co gallo da celebración da FESTA DE San Campio, os vindeiros 27 a 31 de agosto de 2004 en Valadares, na zona marcada e delimitada no plano que se achega, debendo: delimita-lo recinto, deixar espazo baleiro para o paso de persoas e vehículos no caso de urxencias; asimismo, non se poderá ocupar ou invadi-las vías públicas ou accesos, debendo sinalizar o contorno para a libre circulación de persoas e vehículos na zona, velando os solicitantes para que non se produza alteración da orde pública.

Axustaranse así mesmo, ás seguintes normas:

- Horario máximo autorizado: 2:30 horas.
- Límite transmisión ruidos: non se superarán os fixados na taboa 1.2 do anexo da vixente Ordenanza Municipal de Ruidos e Vibracións, publicado no B.O.P.de data 16 de outubro de 2000.
- Deberán solicitar do departamento de limpeza un reforzo de contenedores e deixar o recinto nas debidas condicións de limpeza, unha vez finalizadas as celebracións, así como dar cumprimento ás normas sobre ocupación de espazos públicos aprobadas na Comisión de Goberno de data 17 de marzo de 2003.

12(404).- SOLICITUDE DA COMISIÓN DE FESTAS DE SAN SEBASTIÁN DE AUTORIZACIÓN PARA A CELEBRACIÓN DA FESTA DE SAN SEBASTIÁN EN FRAGOSELO OS DÍAS DO 4 Ó 6 DE XUÑO DE 2004. EXPTE.69439/210. ESTIMADA.

Examinadas as actuacións do expediente e de acordo co informe do asesor xurídico do Servicio de Mobilidade e Seguridade, do 18.03.04, a Xunta de Goberno acorda:

AUTORIZAR á Comisión de Festas de San Sebastián, á ocupación do espazo público solicitado co gallo da celebración da FESTA de San Sebastián, os vindeiros 4 a 6 de xuño de 2004 en Fragoelo, na zona marcada e delimitada no plano que se achega, debendo: delimita-lo recinto, deixar espazo baleiro para o paso de persoas e vehículos no caso de urxencias; asimismo, non se poderá ocupar ou invadi-las vías públicas ou accesos, debendo sinalizar o contorno para a libre circulación de persoas e vehículos na zona, velando os solicitantes para que non se produza alteración da orde pública.

Axustaranse así mesmo, ás seguintes normas:

- Horario máximo autorizado: 2:30 horas.
- Límite transmisión ruidos: non se superarán os fixados na taboa 1.2 do anexo da vixente Ordenanza Municipal de Ruidos e Vibracións, publicado no B.O.P.de data 16 de outubro de 2000.
- Deberán solicitar do departamento de limpeza un reforzo de contenedores e deixar o recinto nas

debidas condicións de limpeza, unha vez finalizadas as celebracións, así como dar cumprimento ás normas sobre ocupación de espazos públicos aprobadas na Comisión de Goberno de data 17 de marzo de 2003.

13(405).-SOLICITUDE DA COMISIÓN DE FESTAS DE SANTA ANA DE AUTORIZACIÓN PARA A CELEBRACIÓN DA FESTA DE SANTA ANA EN VALADARES OS DÍAS DO 25 Ó 28 DE XULLO DE 2004. EXPTE. 69441/210. ESTIMADA.

Examinadas as actuacións do expediente e de acordo co informe do asesor xurídico do Servizo de Mobilidade e Seguridade, do 18.03.04, a Xunta de Goberno acorda:

AUTORIZAR á Comisión de Festas de Santa Ana, á ocupación do espazo público solicitado co gallo da celebración da FESTA de Santa Ana, os vindeiros 25 a 28 de xullo de 2004 en Valadares, na zona marcada e delimitada no plano que se achega, debendo: delimita-lo recinto, deixar espazo baleiro para o paso de persoas e vehículos no caso de urxencias; asimesmo, non se poderá ocupar ou invadi-las vías públicas ou accesos, debendo sinalizar o contorno para a libre circulación de persoas e vehículos na zona, velando os solicitantes para que non se produza alteración da orde pública.

Axustaranse así mesmo, ás seguintes normas:

--- Horario máximo autorizado: 2,30 horas.

--- Límite transmisión ruidos: non se superarán os fixados na taboa 1.2 do anexo da vixente Ordenanza Municipal de Ruidos e Vibracións, publicado no B.O.P.de data 16 de outubro de 2000.

--- Deberán solicitar do departamento de limpeza un reforzo de contenedores e deixar o recinto nas debidas condicións de limpeza, unha vez finalizadas as celebracións, así como dar cumprimento ás normas sobre ocupación de espazos públicos aprobadas na Comisión de Goberno de data 17 de marzo de 2003.

14(406).-RECLAMACIÓN DE DANOS:

a) COSTAS Y OTERO S.L.. EXPTE. 99/243. INADMISIBLE A RECLAMACIÓN.

Examinadas as actuacións do expediente, vista a reclamación formulada polo procurador D. José Fernández González en representación de D. Antonio Costas Núñez e da entidade Costas y Otero S.L. polos danos materiais sufridos polo vehículo da entidade reclamante e os danos persoais sufridos polo Sr. Costas Núñez, conductor do vehículo, como consecuencia do accidente de circulación ocorrido o 2.05.01,

e de acordo co informe-proposta do xefe da Unidade de Patrimonio de 18.03.04, conformado polo xefe de Réxime Interior, a Xunta de Goberno acorda:

Inadmitir a reclamación formulada polo procurador D. JOSÉ FERNÁNDEZ GONZÁLEZ, en representación de D. ANTONIO COSTAS NÚÑEZ e da entidade COSTAS Y OTERO, S.L., o día 12 de marzo de 2004 de responsabilidade patrimonial, por tratarse dunha solicitude extemporánea, ó ser presentada fóra do prazo previsto nos artigos 4 do Real Decreto 329/1993, de 26 de marzo, Regulamento dos procedementos das administracións públicas en materia de responsabilidade patrimonial e 142.5 da Lei 30/1992, do Réxime xurídico das administracións públicas e do procedemento administrativo común, procedendo ó arquivo da mesma.

b) ELABORADORA DE CEFALÓPODOS S.A. EXPTE. 28/243. INADMISIBLE A RECLAMACIÓN.

Examinadas as actuacións do expediente, vista a reclamación presentada polo letrado César A. Outeiro González en representación da entidade “Elaboradora de Cefalópodos S.A.” e de “Allianz, Compañía de Seguros y Reaseguros S.A.” polos danos sufridos por un camión propiedade da entidade mercantil reclamante e asegurado na compañía Allianz, tamén reclamante, o día 28.08.03 cando estaba estacionado na avda. de Galicia debido ó mal estado da calzada, e de acordo co informe-proposta do xefe da Unidade de Patrimonio de 18.03.04, conformado polo xefe de Réxime Interior, a Xunta de Goberno acorda:

Inadmitir a reclamación de ELABORADORA DE CEFALÓPODOS, S.A. e ALLIANZ, COMPAÑÍA DE SEGUROS Y REASEGUROS, S.A., por non corresponder ó Concello a responsabilidade patrimonial dos danos, ó non ser titular da vía na cal afirman os reclamantes que ocorreu o accidente.

c) RAMÓN MOURE RODRÍGUEZ. EXPTE. 15521/240. ESTIMADA.

Examinadas as actuacións do expediente, visto o informe-proposta do técnico de Xestión do Servicio de Patrimonio e Contratación, do 31.10.03, conformado polo xefe de Réxime Interior, o dictame favorable do Consello Consultivo de Galicia do 26.02.04 e de acordo co informe-proposta do xefe do Servicio de Patrimonio, do 10.03.04, conformado polo xefe de Réxime Interior e pola interventora xeral, a Xunta de Goberno acorda:

Indemnizar a D. Ramón Moure Rodríguez coa cantidade de 193,93 euros, valor dos danos ocasionados ó seu vehículo, matrícula PO-1454-AB, ó caerlle enriba un sinal de tráfico, cando o tiña estacionado na Rúa Manuel de Castro desta cidade, o día 22 de novembro de 2002, sobre as 17 horas.

15(407).- DEVOLUCIÓN DE FIANZAS:

Examinadas as actuacións dos expedientes, vistos os informes das oficinas técnicas, os informes de Intervención Xeral e de acordo cos informes-proposta do xefe de negociado de Contratación, a Xunta de Goberno acorda proceder á devolución das fianzas que de seguido se especifican xa que as subministracións, servicios e obras foron recibidas, executáronse conforme coas condicións do prego que rexeu a contratación e por transcorrer o prazo de garantía:

- a) A Construccións, obras e viais, S.A. (COVSA) as fianzas por importes de 1.877,56 constituída para responder das obras de pavimentado da rúa República Arxentina recibidas mediante acta de 20.06.02, 4.290,70 € constituída para responder das obras de pavimentado da marxe esquerda da Gran Vía recibidas mediante acta de 20.06.02, 5.442 € constituída para responder das obras de ensanche e pavimentado en Matamá-Pazos recibidas mediante acta de 20.06.02, 6.731,34 € constituída para responder da subministración de emulsión (lote I) e aglomerado (lote II), e 2.398,04 constituída para responder das obras de mellora de pavimento na rúa Gregorio Espino recibidas mediante acta de 10.04.03. Expte.15953/240.
- b) A Movexvial S.L. as fianzas por importe de 3.291,78 € constituída para responder das obras de substitución de tuberías na avda. da Florida (expte. 138/241) e 3.605,89 € constituída para responder das obras de modificado da recollida de pluviais en Finca Matías (expte. 139/241), recibidas mediante actas do 10.04.03 e 31.01.02.
- c) A IMES S.A. as fianzas por importe de 2.404,05 € e de 2.524,25 € constituídas para responder da subministración de materiais eléctricos, recibidos mediante actas de 17.02.03 e 26.02.03. Exptes. 131 e 132/241.
- d) A Comercial Veiras S.A. a fianza por importe de 69,60 € constituída para responder da subministración de maquinaria para Parques e Xardíns, recibida mediante acta de 10.12.01. Expte. 127/241.
- e) A Construcciones Rey Solla S.L. a fianza por importe de 2.908,27 € constituída para responder das obras de renovación de beirarrúas da rúa Venezuela, recibidas mediante acta de 10.02.04. Expte.16616/240.

16(408).- PRÓRROGA DO CONTRATO DO SERVICIO DE ATENCIÓN TELEFÓNICA ÓS CIDADÁNS A TRAVÉS DO TELÉFONO 010. EXPTE. 3/321.

Visto o expediente, a Xunta de Goberno acorda retiralo da orde do día a fin de confeccionar, no prazo máis breve posible, un novo expediente de contratación.

17(409).- PROPOSTA DE REGULACIÓN DA XORNADA ESTRUCTURAL DO PERSOAL ADSCRITO Ó SERVICIO DE EXTINCIÓN DE INCENDIOS E SALVAMENTO E DO RÉXIME DAS XORNADAS DE REFORZO. EXPTE. 14963/220.

No expediente consta informe do xefe do Servizo de Extinción de Incendios de data 9.01.04 no que se pon de manifesto a disfuncionalidade do cadro de persoal actual.

Con data de 22 de marzo as centrais sindicais CIG, UXT e SICO, con relación á problemática mencionada, efectúan a seguinte proposta de acordo:

No Concello de Vigo, sendo as 13:30 horas da data abaixo referenciada, reúnense por unha banda os Concelleiros delegados de Seguridade e persoal, e por outra, as Organizacións sindicais do Comité de persoal.

CONSIDERANDO:

Que e intención deste Goberno Municipal acadar no marco da debida negociación sindical unha continua mellora das condicións de traballo dos empregados municipais, e que neste caso concreto, deben ir referidas ó persoal do servizo de extinción de incendios, ó resultar un obxectivo prioritario na reestruturación do servizo conseguir unha diminución progresiva da xornada estrutural anual que ven realizando, por enriba da xornada ordinaria, o persoal de dito servizo.

Que na Disposición transitoria sexta do Acordo regulador vixente preveese un exceso de xornada anual estrutural de 400 horas, sendo a vocación do propio convenio que o número destas horas sexan a reducir, ben co incremento de plantilla ou pola reestruturación das quendas de traballo. Considerando a viabilidade de poder diminuí-las horas estruturais anuais ata acadalas 219 horas, tal e como se desprende do informe técnico do servizo de data 9 de xaneiro de 2004, ambas partes acordan a seguinte proposta:

Primeiro : Que en desenvolvemento da disposición transitoria sexta primeira do Acordo regulador vixente aprobado en sesión plenaria de 28-12-1998, a xornada estrutural anual que ven realizando o persoal adscrito ó servizo de extinción de incendios por enriba da xornada ordinaria de traballo, establécese en 219 horas anuais, coas mesmas condicións retributivas e importes que os establecidas no Acordo regulador vixente, segundo o disposto no artigo 22 do devandito acordo regulador, que garante o dereito dos empregados municipais ó mantemento das súas retribucións.

A tales efectos estarase ó establecido no réxime de turnicidade e descansos previsto no informe técnico da Xefatura do servizo de data 9 de xaneiro de 2004, que se incorpora o presente expediente, adecuandoos á nova xornada estrutural.

Para o suposto de incrementarse o cadro de persoal durante os vindeiros orzamentos, procurarase acadar unha diminución progresiva da xornada estrutural nos termos que a Xefatura do servizo estableza.

A referida xornada estrutural será de aplicación a todo o persoal adscrito ó servizo. Para o caso do Oficial do servizo, ó tratarse dun posto de nova creación no que non se contemplou no establecemento do Complemento específico previsión algunha sobre a xornada estrutural do posto, configúrase un importe mensual de 750 euros como gratificación por servizos extraordinarios pola xornada estrutural anual axeitada a súa especial dedicación e xornada diferenciada, que será aboado nas mesmas condicións de devengo que o resto do persoal dos servizos, sen prexuzo da adecuación retributiva que deberá acometerse para dito posto de traballo no vindeiro orzamento coa modificación oportuna do complemento específico que absorverá o importe anteriormente establecido en concepto de gratificación.

Segundo : O réxime retributivo das horas de reforzo que non teñan carácter estrutural, e que por necesidades coxunturais do servizo deba realiza-lo persoal do SEIS, e co obxecto de armoniza-lo sistema retributivo das gratificacións por servizos extraordinarios, será o seguinte :

- bombeiro e conductor bombeiro : 21,40 € /hora.
- Cabo : 23 euros / hora
- Sarxento ; 26 euros / hora.
- Suboficial : 28 euros / hora

Os anteditos importes absorverán calquera outro concepto ou recargo retributivo complementario por nocturnidade ou festividade. .

Con carácter xeral, establécese un réxime de dúas xornadas de reforzo ó ano por cada funcionario adscrito ó servizo de extinción de incendios, agás necesidades urxentes do servizo..

- O que asinan en Vigo, a 22 de marzo de 2004.

Na mesma data anterior e con relación á proposta mencionada o xefe da Unidade de Persoal emite o seguinte informe:

A proposta precedente, que ten por obxecto a nova configuración dunha xornada anual estrutural do persoal adscrito ó SEIS, conta de dúas partes ben diferenciadas, aínda que estreitamente interrelacionadas entre sí, na medida en que inciden no proceso de diminución progresiva do exceso horario anual do servizo :

I) A primeira, que se refire propiamente á diminución da vixente xornada anual estrutural, que se reduciría de 411 horas a 219 horas. Tal medida condicioase a un cambio no actual réxime de quendas do servizo, previsto no informe da Xefatura de 9 de xaneiro de 2004, e que por profuso, damos por reproducido.

Con relación a este extremo, cúmpre advertir que se trata, en principio, dunha lóxica aspiración do servizo, prevista como un dos obxectivos do propio Acordo regulador, e por tanto, perfectamente encadrable no ámbito da negociación político sindical ó aveiro do artigo 32 da lei 9/87, de 12 de xuño e do artigo 12 do acordo Regulador vixente, aprobado en sesión de 28 de decembro de 1998, logo que a xornada anual dos empregados públicos debe obviamente tender a unha unificación, debendo ser a excepción os excesos de xornada estruturais e non a regra xeral, como ven sendo o caso, que adquiriu no referido servizo certa vocación de permanencia.

A actual xornada estrutural de 411 horas anuais desenvólta polo persoal do SEIS, recollida expresamente no vixente Acordo Regulador na súa disposición transitoria 6ª, foi establecida por acordo do Pleno do Concello adoptado en sesión de 23 de decembro de 1991. No devandito acordo plenario , e como compensación a este exceso de xornada, aprobouse igualmente un incremento retributivo no Complemento específico dos distintos postos do SEI ó tempo que se estableceu unha gratificación extraordinaria periódica para o persoal do servicio, condicionada expresamente no seu aboamento á realización efectiva das 411 horas estruturais en exceso.

Dito isto, evidénciase que a proposta sometida a informe, se ben non comporta incremento orzamentario algún no capítulo I , pretende nembargantes mante-lo réxime retributivo existente, decisión esta última que puidendo ter un xeneroso amparo interpretativo no artigo 22 do acordo regulador vixente (por canto garante o réxime retributivo do persoal para o seu período de vixencia) se circunscribe únicamente ó ambito da lexítima negociación político - sindical en materia de persoal, pois podería igualmente acadarse outro acordo noutro sentido – entendemos que de igual amparo legal - no que se practicase unha adecuación retributiva das vixentes gratificacións extraordinarias proporcional á diminución da xornada proposta, posibilidade que obviamente non se contemptra no documento de negociación sometido a informe.

Dentro da negociación da nova xornada estrutural, inclúese asemade o posto de oficial do servicio de extinción de incendios que estaría afecto tamén o establecemento dunha xornada estrutural, se ben cunha distribución horaria distinta, pero perfectamente xustificable, habida conta que non participa do mesmo réxime de quendas de 24 horas que o persoal subordinado, por obvias razóns operativas.

A este respecto entendemos que nengún reparo procede realizar, logo que, tratándose dun posto de nova creación e motivada a necesidade de establecer unha dedicación horaria, se cabe, de maior intensidade que o resto do persoal, – tal e coma así se detalla no informe da Xefatura do SEIS de data 15 de xaneiro de 2004. -, procedería igualmente o aboamento dunha gratificación extraordinaria que retribuíse esa extraordinaria dedicación nunhas condicións de proporcionalidade semellantes que o resto dos funcionarios do servicio que tamén teñen que desempeñar unha xornada estrutural anual superior que a do resto dos empregados desta administración, como así prevee o acordo regulador vixente .

As diferencias retributivas xustificanse nembargantes no feito de que cando se configurou recentemente este posto de nova creación , non se contemprou a incidencia dunha xornada estrutural no establecemento do Complemento específico, a diferenza do resto dos postos de traballo do persoal do servicio de extinción de incendios, nos que se acordou unha revisión retributiva no devandito concepto salarial por acordo plenario de 23.12.91, co obxecto de prever unha dedicación estraordinaria de carácter anual a través do establecemento dunha xornada estrutural en exceso.

Por esta razón, contemprese na proposta de acordo sometida a informe unha gratificación extraordinaria para o posto de oficial que ten un marcado carácter provisorio ata que non se regularice o complemento específico deste posto de traballo .

II) O segundo apartado da proposta de acordo, refírese a unha renegociación das condicións retributivas previstas na DT 6ª.3º do Acordo regulador vixente para as denominadas xornadas de reforzo, de carácter marcadamente coxuntural e por tanto de difícil concreción no seu número, obviamente diferenciabes da xornada estrutural . A nova proposta retributiva tería por obxecto armonixar o réxime remuneratorio existente, no que se desglosan con cargo as partidas de gratificacións por servicios extraordinarios outros “ recargos “ (nocturnidade e festividade “) , os que quedarían absorbidos agora no montante retributivo previsto para ditas xornadas de reforzo.

Se ben se observa un sensible incremento do valor actual establecido para estas xornadas de reforzo, resulta difícil analizar, a falta doutro estudio do servizo, a incidencia que podería ter a proposta de acordo na partida orzamentaria das gratificacións extraordinarias, logo que tamén se vai producir por outra banda unha previsible diminución do número de reforzos durante a época estival ó non contemprarse descansos durante os meses de xuño a setembro por mor dos novos cuadrantes do servizo, derivados desta propostas de acordo .

En calquera caso, o incremento orzamentario destas gratificacións , considerando tanto a súa excepcionalidade coma o seu grao de vinculación ós obxectivos operativos do servizo, quedaría exceptuada do límite de crecemento retributivo do 2% establecido na Lei 61/2003, de 30 de decembro, de presupostos do Estado para o ano 2004, tal e coma dispón os artigos 19.4 e 21.1 do referido texto legal .

O presente expediente debe quedar sometido a informe previo de fiscalización da Intervención xeral, segundo o disposto no artigo 214 do RD lexislativo 2/2004, de 5 de marzo polo que se aproba o texto refundido da Lei reguladora das facendas locais, en concordancia co artigo 136 da lei reguladora das bases de réxime local, resultando competencia da Xunta de Goberno local a súa aprobación consonte o artigo 121.1.h). da Lei Reguladora das bases de réxime local , introducido pola lei 57/2003, de Medidas para a modernización do Goberno local.

Pola Intervención municipal ponse de manifesto a insuficiencia da consignación presupostaria para facer fronte ós novos gastos das dúas xornadas de reforzo previstas no apartado segundo da proposta.

Acordo

Examinado o expediente incoado a Xunta de Goberno Local acorda:

Remitir e considerar, no seu caso, a proposta efectuada ás negociacións que deben realizarse con ocasión da elaboración do presuposto para o ano 2004.

18(410).- APROBACIÓN INICIAL DO ESTUDIO DE DETALLE DAS PARCELAS 115 E 116 DO PP “O POMBAL”. EXPTE. 7850/411.

Examinadas as actuacións do expediente dáse conta do informe-proposta do técnico de Admón. Xeral do Servizos de Planeamento e Xestión, do 22.03.04, que di o seguinte:

ANTECEDENTES.-

1º.- O Concello-Pleno, con data do 15 de novembro de 1993, aprobou definitivamente o Plan Parcial “O Pombal”, no núcleo 16.12 Sárdoma, do vixente PXOU de Vigo. Os proxectos de compensación e urbanización do polígono único delimitado para a súa execución foron aprobados definitivamente por acordo plenario do 25 de xaneiro de 1999 e do Consello da Xerencia Municipal de Urbanismo do 24 de xuño de 1999, respectivamente.

2º.- Con data do 9 de agosto de 2002, a mercantil “Residencial Aires, S.L.”, presentou ante esta Administración municipal para a súa tramitación a documentación correspondente a un estudio de detalle para reordena-los sólidos capaces previstos nas parcelas números 115 e 116 do ámbito e reaxusta-las aliñacións e rasantes das mesmas; documentación que foi correxida e substituída por outra nova que, co mesmo obxecto, foi presentada no Rexistro da Xerencia Municipal de Urbanismo pola devandita entidade con data do 23 de xaneiro de 2004.

3º.- A documentación definitiva do estudio de detalle, redactada polo arquitecto D. José Enrique Pérez-Ardá Criado, con visado do COAG do 20 de xaneiro de 2004, foi informada polo arquitecto técnico municipal con data 9 de febreiro de 2004 nos termos que seguen:

“O estudio de detalle ten por obxectivo reordena-los sólidos capaces previstos no plan parcial a ubicar nas parcelas nº 115 e 116, a resultas da execución dos viais ós que dan fronte ás parcelas e reaxusta-las aliñacións e rasantes das mesmas.

Coa ordenación prevista no plan parcial incumpríranse os recuados mínimos dos sólidos a lindeiros e ás aliñacións.

O reaxuste das aliñacións e a ordenación dos sólidos axustados á ordenanza nº 2 de residencial colectiva, non alteran nin as superficies, nin os volúmenes, alturas, ocupación máxima, cesión de uso, etc.

Coa reordenación proposta non se alteran no plan parcial nin a edificabilidade máxima, nin as ocupacións nin as superficies de cesión.”

CONSIDERACIÓNS XURÍDICAS.-

I.- O estudio de detalle presentado refírese a unha unidade urbana completa, cínquese ás finalidades sinaladas no artigo 73.1 da LOUGA, axústase ás previsións do plan parcial que desenvolve e contén a documentación requirida polo artigo 66 do Regulamento de planeamento.

II.- De conformidade co artigo 86.2 da LOUGA, os estudos de detalle serán aprobados inicialmente polo órgano municipal competente e sometidos a información pública polo prazo mínimo de vinte días mediante anuncio que se publicará no Diario Oficial de Galicia e nun dos xornais de maior circulación na provincia. Á vista do resultado da información pública, o órgano municipal ha aprobalos definitivamente coas modificacións que resulten pertinentes.

III.- Finalmente, de acordo cos artigos 123 e 127.1.d) da LBRBL é competente para a aprobación inicial dos estudos de detalle a Xunta de Goberno Local e para a definitiva o Concello-Pleno por maioría simple de votos.

Por todo o exposto, e á vista das precedentes consideracións e artigos citados, propónse á Xunta de Goberno Local a adopción do seguinte A C O R D O...”

Conclúe o informe formulando a proposta que se contén na parte dispositiva deste acordo:

Acordo

A Xunta de Goberno, de conformidade co precedente informe-proposta, acorda:

1º.- Aprobar inicialmente o estudio de detalle para reordena-los sólidos capaces previstos nas parcelas números 115 e 116 do ámbito e reaxusta-las aliñacións e rasantes das mesmas, conforme á documentación presentada no Rexistro da Xerencia Municipal de Urbanismo por “Residencial Aires, S.L.” con data do 23 de xaneiro de 2004, redactada polo arquitecto D. Jose Enrique Pérez-Ardá Criado, con data de visado do COAG do 20 de xaneiro de 2004 (expte. 7850/411).

2º.- Sométase o expediente ó trámite de información pública polo prazo de vinte días hábiles mediante anuncio no DOG e nun dos xornais de maior circulación da provincia e notifíquese individualmente á propietaria das parcelas ás que se refire o estudio de detalle.

19(411).- RECURSO DE REPOSICIÓN CONTRA A APROBACIÓN DEFINITIVA DO PROXECTO DE URBANIZACIÓN PARA MELLORA E AMPLIACIÓN DA RÚA MANUEL ALVAREZ. EXPTE. 4391/401. DESESTIMADO.

Examinadas as actuacións do expediente, dáse conta do informe-proposta da técnica de Admón. Xeral da Xerencia de Urbanismo, do 15.03.04, que di o seguinte:

Visto o expediente referenciado no asunto, resultan relevantes para a resolución do mesmo os seguintes

FEITOS:

1) O Consello da Xerencia Municipal de Urbanismo, por acordo adoptado en sesión de 5 de xuño de 2.003, resolveu, en base ós antecedentes e fundamentos xurídicos que constan na súa parte expositiva:

"Primeiro.- Estimar e desestima-las alegacións interpostas durante o trámite de información pública no senso e polos motivos que se sinalan na parte expositiva deste acordo.

Segundo.- Aprobar definitivamente o proxecto de urbanización da rúa Manuel Álvarez (conexión estrada vella de Madrid-Ramón Nieto), de iniciativa municipal, asinado polo enxeñeiro D. Santiago López Fontán, na súa última versión de maio de 2003 (expte. 4391/401).

Terceiro.- Durante a execución das obras deberá darse cumprimento ó sinalado polos departamentos municipais de servizos electromecánicos e parques e xardíns nos seus respectivos informes.

O inicio das obras será comunicado á oficina municipal de "Víase Obras" para efectuar un seguimento destas. O solicita-la recepción das mesmas, facilitarase o realmente executado en soporte informático.

Cuarto.- Notifíquese este acordo á Consellería de Política Territorial, Obras Públicas e Vivenda da Xunta de Galicia, xunto cunha copia do proxecto de urbanización. Notifíquese tamén á Oficina de Actuacións Viarias (Petra) e ás entidades "Augas de Galicia", "Gas Galicia", "Gas Natural", "Fenosa" e "Seragua" cunha copia dos planos dos correspondentes servizos.

Este acordo foi debidamente notificado ós interesados.

2) Con rexistro de entrada de data de 29 de agosto de 2.003 e número de documento 30073907, dona FELISA DOVAL BLANCO e outros interpoñen recurso potestativo de reposición contra o devandito acordo de 5 de xuño de 2.003.

3) Do recurso interposto déuselle traslado á oficina municipal de actuacións viarias, que o informou, segundo consta no documento con rexistro de entrada de 4 de decembro de 2.003 e número 30107261, do seguinte tenor literal:

"Recorrente: Dª Felisa Doval Blanco.

Documento: 30073404.

Obxecto: Impugna o proxecto de referencia interesando que o vial proxectado teña un ancho de 12 ms, coa conseguinte redución das beirarrúas, por estimar excesivo o ancho de 2,50 ms. previsto.

Informe: Polo que atinxe ó motivo de impugnación cómpre sinalar que o deseño da rúa Manuel Álvarez, cunha sección transversal de 14 ms., axústase ás previsións contidas no PXOU do ano 1993 vixente, respectando igualmente a aliñación prevista no mesmo, polo que non é posible a modificación que solicitan os alegantes, limitándose o proxecto de urbanización a executa-las previsións contidas no planeamento municipal.

Proposta: Desestima-lo recurso."

A estes feitos, sonlle de aplicación os seguintes

FUNDAMENTOS DE DEREITO:

- I. *En canto á competencia, segundo o artigo 127.1.d da Lei reguladora das bases do réxime local, na redacción dada pola Lei 57/2003, de 16 de decembro, de medidas para a modernización do goberno local e o artigo 116 da Lei 30/1992, de réxime xurídico das Administracións Públicas e do Procedemento Administrativo Común, correspóndelle á Xunta de Goberno Local.*
- II. *En canto á tramitación do recurso de reposición, resultan de aplicación ademais os artigos 107 a 113 e 117 da mesma Lei.*
- III. *En canto á obriga de resolver e resolución extemporánea, resultan de aplicación os artigos 42, 43 e 84 do mesmo corpo legal.*
- IV. *En canto ó recurso de reposición achegado por dona FELISA DOVAL BLANCO, de acordo co informado pola oficina municipal de actuacións viarias e, en aplicación do principio de obrigatoriedade dos instrumentos de planeamento recollido no artigo 56 da anterior Lei 1/1997, de 24 de marzo, do Solo de Galicia, e no artigo 101 da vixente Lei 9/2002, de 30 de decembro, de Ordenación Urbanística e Protección do Medio Rural de Galicia, procede a súa desestimación.*

En mérito dos feitos e fundamentos de dereito expostos, propónse ó Consello da Xerencia Municipal de Urbanismo para que eleve a proposta para a aprobación pola Xunta de Goberno Local do seguinte acordo:..."

Conclúe o informe formulando a proposta que se contén na parte dispositiva deste acordo.

Acordo

A Xunta de Goberno, de conformidade co precedente informe-proposta, acorda:

1º.- Desestimar o recurso interposto por dona FELISA DOVAL BLANCO e outros contra o acordo do Consello da Xerencia Municipal de Urbanismo, adoptado en sesión ordinaria de data de 5 de xuño de 2.003, polo que se aprobou definitivamente o proxecto de urbanización da rúa Manuel Álvarez, por canto o ancho e a aliñación da vía proxectada son os previstos no PXOU 1993, que aínda está vixente, e por conseguinte é de obrigado cumprimento, limitándose o proxecto de urbanización a executar as previsións nel contidas.

2º.- Notificar o contido íntegro deste acordo ós interesados coa expresión de que contra el procede a interposición de recurso contencioso-administrativo perante o Xulgado do Contencioso Administrativo no prazo de dous meses, sen prexuízo de que exerciten calquera outro que estimen procedente.

20(412).- CONSTITUCIÓN DA XUNTA DE COMPENSACIÓN DO PERI U.A.3 CASAS. EXPTE. 4515/401.

Examinadas as actuacións do expediente, dáse conta do informe-proposta do técnico de Admón. Xeral do Servicio de Planeamento e Xestión, do 12.03.04, que di o seguinte:

O Consello da Xerencia Municipal de Urbanismo en sesión do 9 de outubro de 2003, aprobou definitivamente o Proxecto de Estatutos e Bases para a constitución e funcionamento da Xunta de Compensación do polígono único do PERI U.A. 3 Casás.

Con data 9 de marzo de 2004 D. Clemente Pousa Pereira, na súa calidade de presidente da Xunta de Compensación do PERI U.A. 3 Casás, presenta para a súa aprobación por esta administración, a escritura de constitución da devandita Xunta de Compensación, interesando tamén o seu traslado para a súa inscrición no Rexistro de Entidades Urbanísticas colaboradoras.

A escritura pública de constitución da Xunta de Compensación foi outorgada polas entidades “Construcciones Mopelo S.A.”, “Arealoura S.A.” e Dª Mª Luisa Lorenzo González como propietarios do ámbito no que representan o 72,54% da súa superficie ante o Notario D. José A. Somoza Sánchez ó número 2987 do seu protocolo, o día dezaioito de decembro de 2003.

A escritura de constitución contén as determinacións establecidas polo artigo 163.4 do Regulamento de Xestión urbanística.

De conformidade co disposto no artigo 168 e 169.2 do R.X.U. en relación co artigo 5 do R.D. 1093/1997 de 4 de xullo a xunta de compensación deberá instar do Rexistrador da Propiedade constancia, por nota á marxe da última inscrición de dominio das fincas correspondentes, da afección de tódolos terreos comprendidos no polígono, ó cumprimento das obrigacións inherentes ó sistema de compensación, podendo interesar do Concello as certificacións administrativas que correspondan para instar tal inscrición.

En consecuencia, vista a normativa aplicable, artigo 155 da Lei 9/2002 de 30 de decembro de ordenación urbanística e protección do medio rural de Galicia , artigo 163 do Regulamento de Xestión Urbanística e 127.1 d) da LRBRL na nova redacción dada pola Lei 57/2003, de 16 de decembro, de medidas para a modernización do goberno local, propónse a xunta de goberno local a adopción do seguinte acordo...”

Conclúe o informe formulando a proposta que se contén na parte dispositiva deste acordo.

Acordo

A Xunta de Goberno, de conformidade co precedente informe-proposta, acorda:

1º.- Aproba-la escritura de constitución da Xunta de Compensación do polígono único Peri U.A. 3 Casás , outorgada con data 18 de decembro de 2003 polas entidades “Construcciones Mopelo S.A.”, “Arealoura S.A.” e Dª Mª Luisa Lorenzo González como propietarios do ámbito no que representan o 72,54% da súa superficie ante o Notario D.José A. Somoza Sánchez ó número 2987 do seu protocolo, o día dezaoto de decembro de 2003.

2º.- Traslada-lo presente acordo xunto coa copia da escritura de constitución da Xunta de Compensación ó Sr. Director Xeral de Urbanismo da CPTOPV para a súa inscrición no Rexistro de Entidades Urbanísticas Colaboradoras, conforme ó disposto na orde do 30 de decembro de 1999 da citada Consellería.

3º.- Lembrar á Xunta de Compensación á obriga de instar do Sr. Rexistrador da Propiedade a constancia, por nota á marxe da última inscrición do dominio das fincas correspondentes, da afección de tódolos terreos comprendidos na unidade de execución ó cumprimento das obrigas inherentes ó sistema de compensación, segundo resulta do disposto nos artigos 168 e 169 do R.X.U. en relación co artigo 5 do R.D. 1093/1997, de 4 de xullo.

21(413).- RECEPCIÓN PARCIAL DAS OBRAS DE URBANIZACIÓN DA U.E. IV-06 FILIPINAS COUTO SAN HONORATO. EXPTE. 30837/250.

Examinadas as actuacións do expediente, dáse conta do informe-proposta do técnico de Admón. Xeral do Servicio de Planeamento e Xestión, do 15.03.04, que di o seguinte:

1º.- *O Concello-Pleno, en sesión do 31 de xullo de 1997, aprobou definitivamente a modificación puntual núm. 12 do expediente de subsanación de deficiencias do PXOU de Vigo e norma urbanística 3.2.4 da ordenanza de edificación aberta da, entre outras, unidade de execución do núcleo central “U.E. IV-06 Filipinas-Couto de San Honorato”, que recolle a ordenación prevista para este ámbito no estudio de detalle aprobado polo mesmo órgano municipal en data do 26 de maio de 1994.*

2º.- *O proxecto de compensación do polígono foi aprobado por acordo do Concello-Pleno, en sesión do 20 de xaneiro de 1997, no apartado primeiro do cal especificase que para a axeitada conservación das zonas verdes e*

das superficies de cesión de uso de superficie constituirase unha entidade urbanística colaboradora de conservación.

3º.- A urbanización do ámbito aprobouse por acordo plenario do 26 de maio de 1994, no que se aprobou o proxecto de urbanización da 1ª Travesía de Couto de San Honorato e rúa Rola no ámbito da U.E. IV-06, e do Consello da Xerencia Municipal de Urbanismo de 7 de novembro de 1997 polo que se aprobou o proxecto complementario de ordenación de zonas verdes e libres do dito polígono.

4º.- O Consello da Xerencia Municipal de Urbanismo, en sesión do 25 de outubro de 2001 acordou aproba-la recepción parcial e provisional das obras do proxecto de urbanización de zonas verdes e libres da dita unidade de execución, no ámbito reflectido no plano adxunto á solicitude da xunta de compensación de data 17 de outubro de 2001, coas obrigas e cargas para a xunta de compensación que se especifican no propio acordo.

5º.- Con data do 4 de abril de 2003 a xunta de compensación do polígono solicitou a recepción definitiva da urbanización e terse finalizado as obras pendentes.

6º.- O enxeñeiro xefe de Vías e Obras, con data do 23 de decembro de 2003, informou respecto da dita solicitude o que segue:

“Inclúese como documentación achegada á solicitude de recepción das obras:

- *Plano de recepción parcial da primeira fase xa recibida.*
- *Plano das obras realmente executadas na segunda fase, segundo proxecto de urbanización aprobado.*
- *Acta de recepción das obras por parte da Xunta de Compensación conformada pola propia Xunta de Compensación, empresa constructora e dirección facultativa das obras.*
- *Certificación do técnico director das obras no sentido de que as obras axústanse ó proxecto de urbanización aprobado cos materiais e normas habituais deste Concello.*
- *Copia de aprobación, por parte do Pleno do Concello de Vigo, do Proxecto de Compensación na que se outorga a cesión dos terreos de cesión obrigatoria.*

En orde á recepción das obras de urbanización agora solicitadas, foron inspeccionadas e solicitados os correspondentes informes ós servicios de Electromecánicos e ós servicios técnicos de Aqualia, empresa Concesionaria dos servicios de abastecemento e saneamento de auga, cos seguintes resultados:

- *Con data 23/12/2003 o enxeñeiro técnico do departamento de Vías e Obras, informa no sentido de que as obras axústanse sensiblemente ás contempladas no proxecto de urbanización aprobado e sen atopar deficiencias, salvo vicios acochados.*
- *Con data 06/06/2003 o servicios de Montes, Parques e Xardíns, informa que a xardinería adáptase ós criterios deste servicio.*
- *Con data 21/05/2003 o servicio de Electromecánicos, informa que a instalación cumpre coa normativa xiente e axústase ó proxecto e á dirección de obra.*

- Con data 28/04/2003 o xefe do departamento de Explotación de Aqualia, informa que a rede instalada de abastecemento é acorde co proxecto. E que na rede de saneamento non se atopan anomalías, salvo vicios acochados.

Sen embargo faise constar o seguinte:

- Os planos de planta que se acompañan, relativos ós espazos libres con ocupación de subsolo, exceden do previsto no proxecto de urbanización aprobado nunha superficie de 90 m².
- Non figura entre a documentación aportada a este servizo as escrituras de cesións ó Concello de Vigo.
- A xunta de compensación non presenta estatutos da entidade colaboradora de conservación previstos no proxecto de compensación aprobado polo Pleno Municipal en sesión do 20/01/1997.
- Non se executaron as obras de urbanización correspondentes á parcela situada na esquina oeste das rúas Rola e Filipinas, na que actualmente existe unha edificación pechada por un muro.”

7º.- Pola súa parte, o enxeñeiro técnico de obras públicas adscrito á Xerencia Municipal de Urbanismo, con data do 10 de febreiro de 2004, informa que:

“Las obras cuya recepción definitiva se solicita, están contenidas en el ámbito de la U.E. IV-06 Filipinas-Couto de San Honorato. Fueron objeto del Proyecto de Urbanización de la 1ª Trav. de Couto de San Honorato y rúa Rola (3749/401) aprobado definitivamente el 26 de Mayo de 1994, y del Proyecto de Urbanización de Zonas Verdes y Espacios Libres (4200/411) aprobado definitivamente el 7 de Noviembre de 1997.

Han sido ejecutadas conforme a dichos Proyectos según los informes obrantes en el expediente; en el segundo de los Proyectos si figura la entrada de garajes al bloque con frente a la calle Filipinas, y por lo tanto no se produce un incremento de la ocupación en subsuelo.

Las escrituras de cesión son objeto del expediente del Proyecto de Compensación, respecto de las cuales y de la conservación, informará el Técnico de Administración General.

Las obras que se reciben son las ejecutadas hasta el momento, quedando pendientes de ejecución, y por tanto de recepción, las vinculadas a la edificación en la esquina de las calles Filipinas y Rola, cuya licencia no ha sido solicitada (se adjunta plano con delimitación de las mismas). Será objeto de informe jurídico, las cautelas que la Junta de Compensación deba prestar hasta la conclusión de este planeamiento de desarrollo.”

CONSIDERACIONES XURÍDICAS.-

I.- A recepción polo Concello das obras de urbanización para execución do planeamento rexirase polo disposto na lexislación de contratos das administracións públicas (artigo 110.5 LOUGA)

II.- A recepción das obras de urbanización é un acto regulado no que a Administración debe limitarse a comprobar se as obras que se reciben se axustan ou non ó proxecto aprobado.

III.- De acordo co artigo 182.2 RXU a cesión das obras de urbanización a favor da Administración actuante poderá referirse a unha parte do polígono ou unidade de actuación aínda que non se teña completada a urbanización deste ámbito territorial, sempre que a área urbanizada constitúa unha unidade funcional directamente utilizable e se teña producido respecto da mesma a recepción definitiva por parte da xunta de compensación.

IV.- Á vista da documentación obrante no expediente e do informe do enxeñeiro técnico de obras públicas municipal de 10 de febreiro de 2004 procede aproba-la recepción parcial das obras de urbanización do polígono, referida a tódalas obras, excepción feita das que xa foron obxecto de recepción por acordo do Consello da Xerencia Municipal de Urbanismo do 25 de outubro de 2001, e das correspondentes ós terreos circundantes á parcela C de resultado, que se identifican no plano que se achega o informe técnico de 10 de febreiro de 2004.

V.- O prazo de garantía será dun ano, durante o cal o contratista de conformidade co disposto no artigo 167 do Regulamento xeral da lei de contratos, deberá coidar da conservación e policía das obras. No caso de descuidar a devandita entidade a conservación da obra, con perigo da mesma, procederase por esta Administración, a costa da contratista, a realización dos traballos necesarios para evita-lo dano. No suposto de vicios ocultos na obra o prazo para esixi-la responsabilidade por estes será de 15 anos a contar dende a recepción.

VI.- A conservación da superficie sobre a que se constituíu o dereito de uso público no proxecto de compensación, limitado ata o perímetro da ocupación real en subsolo das edificacións, tanto sobre como baixo rasante, será de conta dos propietarios e copropietarios dos locais e vivendas do edificio, sen prexuízo da potestade municipal de vixianza e comprobación das condicións de seguridade, salubridade e ornato público das ditas superficies e das ordes de que o Concello poda dictar para a execución, a cargo dos ditos propietarios, das obras precisas para que as citadas superficies reunan aquelas condicións; obriga de conservación que deberá recordarse nas licencias de obra e primeira ocupación que se concedan para os edificios do ámbito.

VII.- A obriga dos propietarios de conserva-las zonas verdes e libres de cesión obrigatoria, en pleno dominio, ó Concello, recollida no proxecto de compensación do polígono, ven imposta ós propietarios dos ámbitos nos que se emprazan, no apartado 3.2.3.5.b) das Normas Urbanísticas do PXOU de 1993, excepto para as zonas verdes e libres que teñan a consideración de sistemas xerais.

De acordo con esto, a obriga de constitución da entidade de conservación recollida no dito proxecto de compensación é unha obriga existente dende a aprobación do PXOU de Vigo de 1993, xa que logo, anterior ó estudio de detalle do ámbito recollido na modificación puntual número 12 do PXOU de Vigo, aínda que demorada na súa eficacia a efectiva execución da urbanización e esixible, non so por subrogación, senón tamén como obriga ambulatoria, dos propietarios de inmobles do ámbito que o sexan en tal momento.

Finalmente, procede recordar que, de acordo co artigo 25.3 do Regulamento de xestión urbanística “Será obrigatoria a constitución dunha Entidade de conservación sempre que o deber de conservación das obras de urbanización recaia sobre os propietarios comprendidos nun polígono ou unidade de actuación en virtude das determinacións do Plan de ordenación ou bases do programa de actuación urbanística ou resulte expresamente de disposicións legais. En tales supostos, a pertenza á Entidade de conservación será obrigatoria para tódolos propietarios comprendidos no seu ámbito territorial”. A creación da Entidade de conservación pode producirse -segundo resulta do apartado 2º do mesmo precepto- ben, mediante a transformación nesta da xunta de compensación -transformación que deberá estar prevista nos seus estatutos- ben, ó marxe da xunta de compensación ou extinguida ésta. A Entidade de conservación deberá constituirse en todo caso, sempre que a obriga de conservar recaia sobre os propietarios do polígono, incluso no suposto de que non se tivera constituído xunta de compensación para executa-lo Plan.

VIII.- É competente para acorda-la recepción de obras solicitada á Xunta de Goberno Local, de conformidade co disposto no artigo 127.1.d) LBRBL

Polo exposto e á vista das precedentes consideracións e preceptos citados propónse á Xunta de Goberno Local a adopción do seguinte acordo...”

Conclúe o informe formulando a proposta que se contén na parte dispositiva deste acordo.

Acordo

A Xunta de Goberno, de conformidade co precedente informe-proposta, acorda:

1º.- Aproba-la recepción parcial das obras de urbanización da U.E. IV-06 Filipinas-Couto de San Honorato; recepción que comprende tódalas obras de urbanización do polígono, salvo das que xa foron obxecto de recepción por acordo do Consello da Xerencia Municipal de Urbanismo do 25 de outubro de 2001 e as correspondentes ós terreos colindantes á parcela C de resultado do proxecto de compensación do polígono, que se identifica no plano que se achega ó informe técnico de 10 de febreiro de 2004.

2º.- Recórdese ó departamento municipal de Licencias de Obras a necesidade de recoller, nos acordos sobre licencia de obra e primeira ocupación que se concedan para a construción e utilización das edificacións do polígono, a obriga de conservación das superficies sobre as que se constituíu no proxecto de compensación do ámbito o dereito de uso público a favor desta Administración municipal, nos termos recollidos na parte expositiva deste acordo.

3º.- Téñase por iniciado expediente municipal para a esixencia de constitución de entidade de conservación ós propietarios da U.E. Filipinas-Couto de San Honorato, e comuníquese a estos a iniciación do devandito expediente, poñéndolles de manifesto o mesmo para que no prazo de 10 días aleguen e presenten os documentos e xustificacións que estimen pertinentes en defensa dos seus dereitos.

4º.- Notifíquese este acordo á xunta de compensación do polígono, así como os departamentos municipais de Licencias de Obras, Vías e Obras, Servicios Electromecánicos, Parques e Xardíns, Patrimonio e Contratación, Estatística e Cultura, así como a concesionaria do servizo de augas “Aqualia”.

ASUNTOS FORA DA ORDE DO DIA

A Xunta de Goberno Local, co quorum regulamentario, acorda declarar de urxencia os asuntos seguintes, de conformidade co artº. 51 do Texto Refundido das disposicións legais vixentes en materia de réxime local, aprobado por Decreto legislativo 781/1986 de 18 de abril.

22(414).-CONCERTO DE COLABORACIÓN COA MÚTUA DE ACCIDENTES DE TRABAJO FREMAP PARA A PRESTACIÓN DO SERVICIO DE PREVENCIÓN ALLÉO: ESPECIALIDADE “VIXIANCIA DA SAÚDE”. EXPTE.14972/220.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinadas as actuacións do expediente, dáse conta do informe-proposta da técnica de Organización e Xestión de Recursos Humanos, de 27.03.04, que di o seguinte:

Antecedentes.

Con data 1-02-2001, formalizouse o documento de asociación número 787775, do Concello de Vigo e a mutua de accidentes de traballo FREMAP.

No devandito documento, preveíase expresamente, como un dos cometidos a asumir pola Mutua, a realización dos recoñecementos médicos do persoal municipal en tanto a lexislación vixente mantivese dita obriga como prestación costeada directamente con cargo ás cuotas empresariais da Seguridade social.

Con data 11.12.02 publícase no B.O.E a Orde Ministerial de 18 de novembro de 2002, segundo a cal os recoñecementos médicos deixaran de considerarse no exercicio 2003 como unha actividade encadrable no Réxime preventivo da seguridade Social, o que implica que o custe destas actuacións terán que ser sufragados pola empresa, ó marxe das cuotas empresariais á Seguridade Social.

Fundamentos de dereito .

Primeiro.

No artigo 22 da lei 31/95 de Prevención de Riscos Laborais (vixianza da saude) , regúlase o deber do empresario de garantir ós traballadores unha adecuada vixianza da sua saude en función dos riscos inherentes ó seu traballo. Segundo o devandito precepto , as medidas de vixianza poderán comportar os debidos recoñecementos médicos mediante personal sanitario con competencia técnica, formación e capacitación acreditada.

Segundo.

Os recoñecementos médicos do persoal municipal constituíu, ata o presente ano, unha prestación obrigatoria e gratuita á que resultaban obrigadas as Mutuas de Accidentes de Traballo e Enfermidades Profesionais dende o momento que constituísen un convenio de asociación para a cobertura das continxencias derivadas de accidente laboral ou enfermidade profesional, ó entenderse ditas actuacións incluídas no Réxime de actividades preventivas da seguridade social, costeadas con cargo ás pertinentes cuotas empresariais .

Dito isto, convén lembrar que a regulación legal das Mutuas de accidentes de traballo ven recollida expresamente RD 1993/95, de 7 de decembro, polo que se aproba o

Regulamento sobre colaboración das Mutuas de Accidentes de Traballo e enfermidades profesionais da Seguridade social, séndolle de aplicación as normas contidas no referido regulamento ás Administracións públicas na medida en que que concerten os correspondentes convenios de colaboración con estas entidades sen ánimo de lucro (Capítulo I, Título II).

Consonte ós Artigos 61.3 e 62.1, 62.2 e 62. 3 do RD 1993/95, a natureza xurídica desta prestación e a dun CONVENIO DE ASOCIACIÓN, e non a dun contrato, que se formalizará nun documento chamado “ documento de asociación “.

Neste senso, ó artigo 3 do RD legislativo 2/2000, de 16 de xuño, dispón que resultarán expresamente excluídos do ámbito de aplicación desta lei, os convenios de colaboración que, con arranxo ás normas específicas que os regulan , celebre a Administración con persoas físicas ou xurídicas sempre que o seu obxecto non esté comprendido nos contratos regulados nesta lei ou nas normas administrativas especiais.

Consecuentemente, resulta obvio que a realización dos recoñecementos médicos viña sendo configurada, ata a data, como unha prestación inherente ó Concerto principal , participando por ende da súa mesma natureza xurídica .

Terceiro.

Nembargantes, ó día de hoxe, os recoñecementos médicos xa non poderán ser costeados con cargo ás cuotas á seguridade social, polo que a súa realización xa non ten o carácter de prestación gratuita que lle viña sendo legalmente recoñecida ás Mutuas, xa que por Resolución de 18 de novembro de 2002, da Secretaría de Estado da Seguridade Social (BOE de 11.12.02), os recoñecementos médicos de carácter xeral contemplados no apartado 8º da Resolución desa mesma Secretaría de 20 de xuño de 2002 , quedan excluídos de prórroga.

Agora ben, a exclusión dos recoñecementos médicos do Réxime de Actividades Preventivas da Seguridade Social, susceptibles de seren prestados ata o ano 2002 polas Mutuas de Accidentes de Traballo con cargo ás cuotas da Seguridade Social, non impide a posibilidade de subscribir un concerto accesorio coa mesma Mutualidade, xa que pola propia natureza e singularidade da prestación, semella ser igualmente unha actividade allea á regulación contida no RD legislativo 2/2000, aínda cando o coste dos recoñecementos non resulten incluídos para o exercicio 2003, nas referidas cuotas de cotización á Seguridade Social.

As Mutuas de accidentes teñen, repetimos, a consideración legal de Entidades sen ánimo de lucro (artigo 5 do RD 1993/95, de 7 de decembro), figurando entre as súas competencias legalmente establecidas a prestación dos servizos de Prevención e vixianza da saúde , tal e coma así dispón o artigo 13 (servizos preventivos) do Real decreto 1993 , de 7 de decembro de 1995, polo que se aproba o Regulamento sobre colaboración das Mutuas de Accidentes de Traballo, preveendose expresamente neste precepto a posibilidade de que as Mutuas podan establecer as súas instalacións e servizos para a prevención de accidentes de traballo e enfermidades

profesionais .

Pola sua banda, nos artigos 7, 10 e 11 da Orde Ministerial de 22 de abril de 1997, pola que se regula o réxime de funcionamento das Mutuas de accidentes de traballo e Enfermidade Profesional no desenvolvemento de actividades de prevención de riscos laborais, regulase expresamente o alcance da actividade preventiva na vixianza da saúde dos traballadores. No artigo 11 da referida Orde Ministerial, prevee a posibilidade de que o empresario asociado poida subscribir un concerto ó que se refire o artigo 20 do regulamento dos servicios de Prevención, no que se fará constar a contraprestación económica aplicable pola prestación dos servicios así coma a forma e condicións de pago.

Pola sua banda, o artigo 7 da antedita Orde Ministerial (Actuacións das Mutuas como servicios de Prevención), dispón : “ de conformidade co previsto no artigo 32 da lei 31/95, de 8 de novembro, de Prevención de Riscos Laborais; no regulamento dos servicios de Prevención aprobado por RD 39/97, e nas demais normas concordantes, así coma na presente Orden, as Mutuas de accidentes de Traballo e Enfermidades Profesionais da Seguridade Social poderán desenvolver, con carácter voluntario e para as empresas asociadas ás mesmas, as funcións correspondentes ós servicios de prevención alleos. As actividades que as Mutuas poderán desenvolver serán tódas aquelas para as que habilite a pertinente acreditación e en especial as seguintes : ... A Vixianza da saúde dos traballadores que corresponda realizar por virtude da aplicación da lei de Prevención de Riscos Laborais e das regulamentacións específicas que lles afecten “.

Neste senso, o artigo 22.1 da lei 31/95, configura expresamente os recoñecementos médicos como unha das distintas actuacións que poderá desenvolver o empresario na vixianza da saúde dos traballadores.

En consecuencia co exposto, entendemos de pertinente xustificación a subscripción dun concerto de colaboración accesorio para a realización da vixianza da saúde e en concreto a realización dos recoñecementos médicos do persoal municipal , en tanto en canto se trata dunha medida de actuación preventiva segundo a proposta de acordo que a continuación se haberá de transcribir : ...”

Conclúe o informe formulando a proposta que se contén na parte dispositiva deste acordo, conformada polo xefe do Servicio de Persoal, o concelleiro de Persoal e a interventora xeral.

Acordo

A Xunta de Goberno, de conformidade co precedente informe proposta, acorda:

Primeiro.- Aprobala sinatura do presente Concerto dun Servicio de Prevención Allèo coa Mutua de accidentes de Traballo FREMAP, para a especialidade: Vixianza da Saúde.

Segundo.- O presente Concerto axústase ás seguintes cláusulas :

1º.- Tipo de concerto: SERVICIO DE PREVENCIÓN ALLÈO. Especialidade concertada:

VIXIANCIA DA SAÙDE.

2º.- DURACIÒN: Dende ó 1 de abril do 2004 ata ó 31 de MARZO do 2005.

3º.- ACTIVIDADES PREVENTIVAS A REALIZAR:

3.1.- Vixiancia da saùde: Vixiancia periòdica do estado de saùde de tódolos traballadores do Concello de Vigo, en funciòn dos riscos inherentes ò traballo, asumindo directamente o desenvolvemento da actividade sanitaria sinalada no artigo 22 da Lei 31/95, de

Prevenciòn de riscos Laborais e abarcando as funciòns sinaladas no apartado 3 do artigo 37 do Regulamento do Servicios de Prevenciòn, aprobado polo RD 39/97.

3.2.- Realizaciòn dos recoñecementos mèdicos anuais ò persoal municipal, incluíndo tódalas probas e prestaciòns que se viñan realizando nos anteriores anos.

4º.- MEDIOS HUMANOS E TÈCNICOS: O persoal mèdico e sanitario que realice as funciòns de vixiancia e control da saùde, terà a competencia tècnica, formaciòn e capacidade acreditada con arreglo a normativa vixente e ò establecido no apartado 3.- a), do artigo 37 do RD 39/97, polo que se aproba ò Regulamento dos Servicios de Prevenciòn. Os medios humanos e tècnicos seràn apropiados e adecuados a actividade preventiva a desenvolver, en funciòn do nº de traballadores/as do Concello e Vigo, tipo e distribuciòn dos riscos nos centros de traballo, servicios municipais, etc.

5º.- PRESUPOSTO.- Para o desenvolvemento desta actividade preventiva, establécese com precio máximo o de 33.000.- Euros, IVA engadido.

- Con cargo ó presuposto deste ano 2004, a cantidade de 24.000.- Euros, IVE engadido e con cargo os presupostos do vindeiro ano 2005, a cantidade de 9.000.- Euros, IVE engadido.

6º.- FACTURACIÓN.- Realizaráanse dous pagos previa rpresentación das facturas correspondientes, cuíos importes figuran no apartado anterior, a primeira no mes de novembro do ano 2004 e a segunda no mes de abril do ano 2005, ambas dúas unha vez realizado ó servicio mencionado no apartado 3º e debidamente conformadas polo Servicio de Persoal.

7º.- DOCUMENTACIÓN.- A mutua do concello de Vigo-Fremap, presentará toda a documentación acreditativa que esixe a lexislación para actuar coma servicio de prevenciòn alléo na especialidade concertada: vixiancia da saùde, así como a declaraciòn xurada de non estar incurso en algunha das prohibicións previstas no art. 20 do RDL 2/2000, de 16 de xuño, estar ó día nas súas obrigas tributarias, co alcance previsto nos artigos 7 a 10 do RD 390/96, de 1 de marzo, non ter débedas de carácter tributario co Concello de Vigo e aqueloutra documentación que poidera esixir ó Concello.

23(415).- GRATIFICACIÓN POR SERVICIOS ESPECIAIS E EXTRAORDINARIOS DO PERSOAL MUNICIPAL CORRESPONDENTES ÓS MESES DE OUTUBRO 2003 E FEBREIRO DE 2004. EXPTE. 14899/220.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinadas as actuacións do expediente, visto o informe de Intervención Xeral do 1.04.04 e de acordo co informe-proposta do xefe da Unidade de Persoal do 31.03.04, conformado polo concelleiro delegado de Persoal, a Xunta de Goberno, acorda:

Asignar unha gratificación por servicios especiais e extraordinarios correspondentes os meses de OUTUBRO-2003 e FEBREIRO-2004, con cargo á partida presupostaria 121.0.151.00.00-GRATIFICACIÓN, que se abonará no nómina do vindeiro mes, ó persoal dos servicios que a continuación se indican:

- Servicio de Extinción de Incendios, relacións que se achegan e que comencan por don Miguel Alves Diz e remata por don Alberto Villar Gutierrez, por un total de 922'00 horas.
- Montes, Parques e Xardíns, relación que se achega e que comenza por don Alfonso Alonso Rodríguez e remata por don Jose Angel Vega Marquez, por un total e 444'00 horas.
- Policía Local, relacións que se achegan e que comenza por don Iván Abalde Casanova e rematan por don Juan Guillermo Vivero Mijares, por un total de 3.031'50 horas.
- Parque Móbil, relacións que se achegan e que comenza por don Miguel Angel Alonso Alonso e remata por don J. Manuel Sixto Pérez, por un total de 1.041 horas.
- Conserxería, relacións que se achegan e que comencan por don José Martínez Figueroa e rematan por don José Angel Fernández Alonso, por un total de 81'00 horas.
- Xerencia do Parque Central, relación que se achega e que comenza por don Guillermo Abelleira Porrua e remata por don Bernardo Rodríguez Lestón, por un total de 113'00 horas.
- Vías e Obras, relación que se achega e que comencan por don Miguel Alonso Cue e rematan por don José Manuel Martínez González, por un total de 442'00 horas.
- Inspección Vías e Obras, relacións que se achegan e que comencan por don José Eugenio Matilde Viñas e rematan por don Julio Gómez Pascual, por un total de 601'00 horas.
- Alcaldía, relación que se achega de don Basilio Costas Fernández, por un total de 22'00 horas.

- Desinfección, relacións que se achegan e que comenzan por don Ricardo González Arzua e rematan por don José Manuel Sousa Atrio, por un total de 117'00 horas.
- Relacións Públicas, relación que se achega de don Jesús Castro Naveiras, por un total de 43'00 horas.
- Administración Tributos, relación que se achega de don Juan Sousa Iglesias, por un total de 20'00 horas.
- O montante do presente expediente ascende a un total de 45.562'28 €.

24(416).- PRODUCTIVIDADE DO PERSOAL MUNICIPAL POR TAREFAS ELECTORAIS. EXPTE. 181/234.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinadas as actuacións do expediente, dáse conta do informe-proposta da xefa de Estatística e coordinadora electoral, que di o seguinte:

Co data 20 de xaneiro deste ano, publicouse no Boletín Oficial do Estado, o Decreto de Convocatoria das Eleccións Ás Cortes Xerais.

Dita convocatoria, obrigou ó concello a realizar unha serie de tarefas, as cales fixéronse polos empregados municipais fora da xornada habitual de traballo. En concreto, estas tarefas foron:

As desempeñadas polo persoal da Policía Local nas notificacións ós membros elixidos nas mesas electorais de Vigo.

As desempeñadas polo persoal do Parque Central de Servicios Municipal, que consistiron en preparar e construír novas carteleiras de propaganda electoral e instalalas e retiralas nos lugares fixados a tal fin. Reparalas cabinas e urnas deterioradas. Preparar, repartir e instalar nos colexios electorais, urnas, papeletas, sobres, cadeiras, mesas e cabinas de votacións. Montar e desmontar algúns colexios electorais o día anterior ás votacións para impedir a paralización da súa actividade normal, Reparación de accesos e deficiencias eléctricas, limpeza a retirada do material destes colexios, e moitas delas a primeiras horas do día seguinte á votación, para ter a súa actividade normal. Endemáis como a participación foi maior e as papeletas para o Senado son moi voluminosas, estes empregados estiveron toda a xornada electoral, repartindo sin parar repostos de urnas.

As horas adicadas fora da xornada habitual de traballo, veñen refrendadas pola Xerencia do Parque Central de Servicios e pola Secretaria da Xunta Electoral de Zona de Vigo.

Polo tanto, e co cargo a partida de produtividade do vixente Presuposto Municipal, fáise a seguinte PROPOSTA:

Sexa aboada a cantidade de 24.871,02 € ó persoal da Policía Local segundo cadro anexo no que consta as horas realizadas por cada funcionario, e as súas respectivas cantidades, as cales fixéronse dacordo co valor da hora extraordinaria establecida no Acordo Regulador das condicións de traballo do Concello.

Sexa aboada a cantidade de 9.251,79 € ó persoal do Parque Central de Servicios Municipal, segundo cadro anexo, o cal se corresponde coa metade das horas extraordinarias non festivas realizadas polos empregados e que lle corresponde aboar o concello. As cantidades fixéronse tamén dacordo co valor da hora extraordinaria establecida no Acordo Regulador das condicións de traballo do Concello.

Dito informe está conformado polo concelleiro delegado da Área de Xestión Municipal e pola interventora xeral.

Acordo

A Xunta de Goberno, de conformidade co precedente informe-proposta, acorda:

Aboa-la cantidade de 24.871,02 € ó persoal da Policía Local segundo cadro anexo que se achega no expediente, no que consta as horas realizadas por cada funcionario, e as súas respectivas cantidades, as cales fixéronse de acordo co valor da hora extraordinaria establecida no Acordo Regulador das condicións de traballo do Concello.

Aboa-la a cantidade de 9.251,79 € ó persoal do Parque Central de Servicios Municipal, segundo cadro anexo que se achega no expediente, o cal se corresponde coa metade das horas extraordinarias non festivas realizadas polos empregados e que lle corresponde aboar o Concello. As cantidades fixéronse tamén de acordo co valor da hora extraordinaria establecida no Acordo Regulador das condicións de traballo do Concello.

25(417).- ROGOS E PREGUNTAS.

Non houbo ningunha intervención neste punto.

E sen ter máis asuntos que tratar, a Sra. presidenta rematou a sesión ás dez horas e trinta e cinco minutos. Como secretaria dou fé.

me.

A CONCELLEIRA-SECRETARIA
DA XUNTA DE GOBERNO LOCAL,

Lucía Molaes Pérez